



Broj: 02/1-50-8-22-37/17

Veza broj: 01-02-1-814/17

Sarajevo, 27.7.2017.

JAVNA RASPRAVA

o Prijedlogu zakona o izmjeni i dopunama Zakona o zaštiti i dobrobiti životinja

5. septembar 2017.

*Sarajevo, zgrada Parlamentarne skupštine BiH, Plava sala (IV. sprat),
s početkom u 10 sati*

KONCEPT JAVNE RASPRAVE

Na osnovu zaključka s 37. sjednice, održane 18.7.2017., Ustavnopravna komisija Doma naroda Parlamentarne skupštine Bosne i Hercegovine upućuje **JAVNI POZIV** svim zainteresiranim institucijama i pojedincima da učestvuju u Javnoj raspravi o Prijedlogu zakona o izmjeni i dopunama Zakona o zaštiti i dobrobiti životinja.

Javna rasprava bit će održana u utorak, 5. septembra 2017. godine, u zgradi Parlamentarne skupštine BiH, Trg BiH br. 1, Sarajevo, u Plavoj sali (četvrti sprat), s početkom u 10 sati.

Dom naroda Parlamentarne skupštine BiH primio je 23.4.2017. Prijedlog zakona o izmjeni i dopunama Zakona o zaštiti i dobrobiti životinja, predлагаča Predstavničkog doma, s prijedlogom da se razmatra po osnovnom zakonodavnom postupku. Ustavnopravna komisija je na 35. sjednici, održanoj 17.5.2017., razmatrala navedeni prijedlog zakona. Ustavnopravna komisija utvrdila je da je Prijedlog zakona o izmjeni i dopunama Zakona o zaštiti i dobrobiti životinja usaglašen sa Ustavom BiH i pravnim sistemom BiH. Ustavnopravna komisija podržala je principe Prijedloga zakona o izmjeni i dopunama Zakona o zaštiti i dobrobiti životinja.

Dom naroda Parlamentarne skupštine BiH je na 30. sjednici, održanoj 30.6.2017., usvojio u prvom čitanju Prijedlog zakona o izmjeni i dopunama Zakona o zaštiti i dobrobiti životinja.

U amandmanskoj fazi na Prijedlog zakona nije bilo uloženih amandmana, ali su zaprimljeni dopisi Udruženja „Aarhus centar u BiH“, Udruženja uzgajivača i simpatizera činčile i Udruženja „Koalicija bez krvna“. Udruženje „Aarhus centar u BiH“ naročito ukazuje na odredbe Arhuske konvencije čija je potpisnica i Bosna i Hercegovina.

Ustavnopravna komisija je na 37. sjednici, održanoj 18.7.2017., a nakon rasprave odlučila organizirati javnu raspravu o Prijedlogu zakona o izmjeni i dopunama Zakona o zaštiti i dobrobiti životinja.

Cilj održavanja javne rasprave je da članovi Parlamentarne skupštine BiH, zajedno s predstavnicima Vijeća ministara BiH, nadležnih ministarstava, zainteresiranih proizvođača krvna i kože, stručnih institucija i pojedinaca, nevladinih organizacija i udruženja, te šire zainteresirane javnosti obave sveobuhvatnu raspravu i iznesu svoje stavove i mišljenja o rješenjima predloženim u predmetnom prijedlogu zakona, kako bi se u amandmanskoj fazi došlo do najboljih rješenja.

Pozivamo sve zainteresirane da svojim pismenim sugestijama, primjedbama ili prijedlozima, te neposrednim učešćem u raspravi doprinesu izradi što kvalitetnijeg prijedloga zakona.

Popunjeni registracijski obrazac kao potvrdu učešća u javnoj raspravi, te pisane komentare, sugestije i primjedbe na tekst Prijedloga zakona o izmjeni i dopunama Zakona o zaštiti i dobrobiti životinja možete dostaviti prije održavanja Javne rasprave putem telefaksa ili na e-mail adresu, koji su navedeni u pozivu.

Registracijski obrazac bit će dostupan na internetskoj stranici Parlamentarne skupštine BiH, u dijelu *javne rasprave*, a koji je potrebno dostaviti do 30.8.2017. Prijedlog zakona i Arhusku konvenciju možete preuzeti na internetskoj stranici www.parlament.ba (javne rasprave).

Želimo vas, također, informirati da Parlamentarna skupština BiH neće snositi troškove učešća učesnika u javnoj raspravi.

Za sve dodatne informacije možete se obratiti Zijadu Hasiću, sekretaru Ustavnopravne komisije, na broj telefona: 033 284-05, telefaksa: 033 226 841 ili na e-mail adresu: zijad.hasic@parlament.ba.

S poštovanjem,

PREDSJEDAVAJUĆI
USTAVNOPRAVNE KOMISIJE
Halid Genjac